



UNIVERSITÄTS-  
BIBLIOTHEK  
PADERBORN

**Ivsti Baronii Veteracastrensis SS. Th. Et I. V. D.  
III[ustrissi]mo Arch[iepisco]po Moguntino à Consilijs.  
Epistolarvm Sacrarvm Ad Pontificem Max. Et Amplissimos  
Cardinales &c. Libri VI**

**Baronius, Justus**

**Mogvntiae, 1605**

Epistola VII. Sanctissimo In Christo Patri & D. N. Clementi VIII. Pontifici  
Maximo Ivstvs Baronivs Veteracastrensis.

---

[urn:nbn:de:hbz:466:1-70614](https://nbn-resolving.org/urn:nbn:de:hbz:466:1-70614)



l. Ephes. 2.

f.

m. Matt. 5. 7

n. Matth. 10.

f. l.

potentissime Deus, qui *dines gratia & benedictione*, *m Beati*, inquis, *miseriordes*, *quoniam misericordiam consequentur*: *Et n qui receperit iustum in nomine iusti, mercedem iusti accipiet.* Heidelb. Calend. Martij. M. DCI.

## EPISTOLA VII.

SANCTISSIMO IN CHRISTO

Patri &amp; D. N. CLEMENTI VIII. Pontifici Maximo

IUSTVS BARONIVS VETERACASTRENSIS.

BEATA verò tempora nostra, PATER SANCT<sup>me</sup> quæ te tantum Ecclesiæ præfulem genuere! Beatum me, qui talem, post CHRISTVM, animæ meæ pastorem inuenis: tam vigilem, vt balatus redeuntis ex eremo ouiculæ non obaudiat: tam fidum, vt pulsantem ad fores Ecclesiæ non repellat: tam humilem, vt voce etiam & alloquio dignetur. ô quis sacrum illud *Apostolicum* tuum satis digno encomio prædicabit? præsens ætas mirabitur affectus humanitatem: posteritas prædicabit veritatis sinceritatem: secula omnia obstupescunt religionis sanctimoniam. Ita enim clementer reducem excipis, PATER, ita sincerè tyronem imbuis: ita religiosè tractas & inuitas exulem, vt & miris modis incomparabilem nominis tui famam



famam augeas, & hæreticos omnes pudore ignominiaque suffundas. Crepant multa degeneres filij, de matris desertæ in humanitate, exagitant spiritum eius cellsum: Dominici gregis pastores, summos pariter & imos, quibus possunt virulentissimis conuitijs proscindunt, & fœdissimis fictorum criminum maculis conspurcât. Sed qui tales sunt, adsint huc, aperiant oculos, pandant aures, capiant fidelissimæ matris pietatem, curam, benignitatem, sollicitudinem, humilitatem, distenta vbera, religiosissimū sinum. Et si mentis stupore perculsi sunt, vel crassis manibus tangant diuinam Pastoris Summi erga miseram ouiculam propensionem, <sup>a</sup> cum magna eam exultatione in humeros suos recipientem, domumq; reportantem. Ô vtinam amore tali illecti, inveniuntur & ipsi, ne perditii pereant, & miseri errore, miserrimi fiant dānatione & cruciati sempiterno! Capiant exemplū redeuntis filij & recipientis patris: neque pluris faciant superba mundi desertæ, reluctantia & & relatrantia castris Dei; quæ <sup>b</sup> igneo promissionum Dei muro circumuallata, nihil damni è <sup>c</sup> canum circūlatrantium rabie capiunt: gaudij autem plurimum ex salute eorum, qui ex hostibus amici facti, futurę glorię consortium adipiscuntur.

Sed missis illis, ad te redeo *Maxime Pon-*

*F 4* *tifex:*

*a Luc. 15. 5.*

*b 4. Reg. 6.  
17.*

*c Aug de G.  
tit. cred. c. 17*



*ad Heb. 13. 17*

*rifex*: cui quoniã omnes totius orbis Christiani diuino humanoque iure ad promptã alacremq; obedientiam deuincti sunt, monente Apostolo, <sup>d</sup> *Obedite prepositis vestris qui vigilant pro animabus vestris: Ego Sanctitatis Tuae* voce ( quod citra summam gratiam commemorare nequeo ) non solum ab hæreseos gurgite ad Sacrosanctæ Romanæ Ecclesiæ portum clementer admissus, verum in urbem quoque Sanctam, in domicilium religionis humanissimè euocatus: non potui nec debui, quin quàm primum ad visenda Sanctorum Apostolorum limina, tuaque vltiora iussa capessenda iter arriperem. Sed vide quid acciderit. *Augusta* dum me accipit, corripit febris, plusculisq; paroxysmis prostratum sistere cursum cogit. Nec medicorum voluntas alia, quàm vt hoc ingrauescente calore quieti atque vmbre me tradam, iter firmiori valetudini, tempestati leniori reseruem. Quæ si tua quoque voluntas, PATER SANCT<sup>me</sup> mirum quàm mihi quam familiæ meæ commodabis. Ego vbi primum loco pedem mouere licebit, faxo me Catholici alicubi in *Germania* socium confessionis & æmulum pietatis habeant. Et quia in primis *M O G V N T I A M*, *fidelem illam atq; illustrem Romanæ Ecclesiæ filiam* cogitat animus, omnia mihi ibi securiora & certiora pollicebor, si secundã  
com-



cōmendationis tuæ auram cymbulæ meæ  
 afflaueris. Interea quia nihilominus quasi  
 \* *Agabo* vate non paruam huic commigra- *e Aff. 31. 10.*  
 tioni meæ calamitatum messem præpara- *11.*  
 tam video, Deum Optimum Max. serijs vo-  
 tis precor, vt quam in me mentem semel  
 excitauit, eandem spiritus sui robore per-  
 petuò firmet atque alat, ne vnquam me vl-  
 la (quod absit) aduersitas gradu constan-  
 tiæ deiiciat. Tu verò Christianorum MA-  
 GNE PATER, quam erga me semel suscepisti  
 curam & beneuolentiam, quæso per Deum  
 nunquam depone: quin auge indies & am-  
 plia, vt *prora* mihi sis & *puppis*, scutum &  
 hasta, in omnium necessitatum conflictu.  
 Profiteor ego in conspectu Dei, quod ante-  
 hac etiam SPIRÆ in collegio Societatis IESV  
 Sacramento interposito professus sum, me  
 sincero pectore Catholicam fidem ample-  
 cti, & ad extremum vsque spiritum ample-  
 xurum, quoscunque potuero, edoctrum,  
 & contra quosuis pro virili verbis factisq;  
 atque etiam si opus sit, sanguine defensu-  
 rum. Nec S<sup>ti</sup>s T<sup>æ</sup> incredibilia erga me me-  
 rita vlla vnquam temporis obliuio ex ani-  
 mo meo delebit. *f In columem te & memorem* *f Hieron. E-*  
*mei* CHRISTVS Deus noster tueatur omnipo- *pist. 80. &*  
*tens, Domine Verè Sancte, & Beatissime Papa.* *94 & 96.*  
 Augustæ Vindel. II. Calend. Iunij M. DCI. *& 98. ad*  
*August. I.*

F 5

EPI

*55. ad Ripa.*